



Broj: 01-42-1453-19/17
Sarajevo, 02.08.2017. godine

**Organizacijama i pojedincima iz Bosne i Hercegovine
u Saveznoj Republici Njemačkoj**

**Predmet: Pripreme za uspostavu reprezentativnog tijela iseljenika iz Bosne i Hercegovine
u Saveznoj Republici Njemačkoj – poziv na pripremni sastanak 7.10.2017.**

Ministarstvo za ljudska prava i izbjeglice Bosne i Hercegovine i Ministarstvo vanjskih poslova Bosne i Hercegovine, uz pomoć diplomatsko-konzularnih predstavništava, predvode aktivnosti uspostave reprezentativnog tijela iseljenika iz Bosne i Hercegovine u Saveznoj Republici Njemačkoj, što je u skladu sa aktivnostima planiranim dokumentom *Politika o saradnji s iseljeništvom* ("Službeni glasnik BiH" broj 38/17, objavljen 26.05.2017. godine).

Aktivnost realizujemo u okviru šireg četverogodišnjeg projekta pod nazivom "Uvrštavanje koncepta migracija i razvoja u relevantne politike, planove i aktivnosti u Bosni i Hercegovini: Dijaspورا za razvoj (D4D)" koji finansira Ambasada Švicarske u BiH, a glavni implementator je Razvojni program Ujedinjenih naroda (UNDP) u BiH u saradnji s Međunarodnom organizacijom za migracije (IOM) BiH. Opći cilj projekta je doprinijeti poboljšanju socio-ekonomskih prilika u Bosni i Hercegovini kroz snažniju saradnju s iseljeništvom.

Cilj uspostave reprezentativnog tijela iseljenika iz Bosne i Hercegovine u Saveznoj Republici Njemačkoj je unaprjeđenje saradnje s diplomatsko-konzularnim predstavništvima Bosne i Hercegovine u toj zemlji, te aktivno učešće u dijalogu o javnim politikama u matičnoj zemlji. Novoformirano reprezentativno tijelo iseljenika iz Bosne i Hercegovine u Saveznoj Republici Njemačkoj, zajedno s predstavnicima iseljenika porijeklom iz Bosne i Hercegovine iz drugih zemalja prijema, biće pozvano da učestvuje u godišnjim trodnevnim konferencijama o javnim politikama o iseljeništvu, koje će od 2018. godine u Bosni i Hercegovini organizovati Ministarstvo za ljudska prava i izbjeglice Bosne i Hercegovine. Ministarstvo i na ovaj način želi aktivno doprinijeti efikasnijoj komunikaciji sa institucijama matične zemlje o problemima i potrebama iseljenika porijeklom iz Bosne i Hercegovine koji žive u SR Njemačkoj i drugim zemljama.

Naglašavamo da Ministarstvo za ljudska prava i izbjeglice Bosne i Hercegovine uvažava postojeći način organizovanja iseljenika iz Bosne i Hercegovine u Saveznoj Republici Njemačkoj, kao i u svim drugim zemljama prijema iseljenika iz naše zemlje.

Ministarstvo poziva iseljenike iz Bosne i Hercegovine u Saveznoj Republici Njemačkoj, uključujući organizacije i pojedince, da planiraju učešće na pripremnom sastanku koji će biti održan **u subotu, 7.10.2017. godine u Konzulatu Bosne i Hercegovine u Minhenu**. Načrt dnevnog reda sastanka je u prilogu. Molimo da potvrdu o učešću prosljedite najdalje do 15.09.2017. godine na e-mail adrese Ministarstva za ljudska prava i izbjeglice Bosne i Hercegovine (iseljenistvo@mhr.gov.ba) i Generalnog konzulata Bosne i Hercegovine u Minhenu (gco.minhen@mvp.gov.ba).

S poštovanjem,

MINISTRICA
Semiha Borovac

**Pripremni sastanak za osnivanje Reprezentativnog tijela iseljeničtva
iz Bosne i Hercegovine u Saveznoj Republici Njemačkoj
subota, 7.oktobar 2017. godine
Ulica Karlstrasse 60, Minhen**

Organizatori: Ministarstvo za ljudska prava i izbjeglice Bosne i Hercegovine, Ministarstvo vanjskih poslova Bosne i Hercegovine (Ambasada Bosne i Hercegovine u Berlinu i generalni konzulati Bosne i Hercegovine u Minhenu, Frankfurtu i Štuttgartu)

PROGRAM¹

11:00 – 11:15	Uvodna obraćanja Predrag Jović, zamjenik ministrice za ljudska prava i izbjeglice BiH Nj.E. Željko Janjetović, ambasador BiH u SR Njemačkoj
11:15 – 11:45	Predstavljanje učesnika iz iseljeničtva
11:45 - 12:30	Predstavljanje inicijative za uspostavu Reprezentativnog tijela Predrag Jović, zamjenik ministrice za ljudska prava i izbjeglice BiH Kemo Sarač, savjetnik ministrice za ljudska prava i izbjeglice BiH Nj.E. Željko Janjetović, ambasador BiH u SR Njemačkoj Ruzmira Tihic-Kadrić, generalna konzulica BiH u Minhenu Zvonko Mišković, generalni konzul BiH u Štuttgartu Dževad Šaldić, generalni konzul BiH u Frankfurtu
12:30 – 13:00	Pitanja učesnika iz iseljeničtva
13:00 – 14:00	<i>Ručak</i>
14:00 – 15:00	Diskusija
15:00 – 15:30	Zaključci

¹ Finalna dopunjena verzija programa biće dostavljena učesnicima do do 21.9.2017. godine